

Headline	TNB taja biasiswa hampir RM1b		
MediaTitle	Utusan Malaysia		
Date	15 Jun 2019	Language	Malay
Circulation	107,609	Readership	322,827
Section	Dlm Negeri	Page No	45
ArticleSize	311 cm <sup>2</sup>	Journalist	Azman Ibrahim
PR Value	RM 18,440		



# TNB taja biasiswa hampir RM1b

Oleh AZMAN IBRAHIM  
[pengarang@utusan.com.my](mailto:pengarang@utusan.com.my)

■ KUALA LUMPUR 14 JUN

TENAGA Nasional Bhd. (TNB) membiayai 130 lagi pelajar cemerlang dengan menjadikan jumlah keseluruhan lebih 12,000 pelajar telah menerima manfaat biasiswa Yayasan Tenaga Nasional (YTN) sejak 1993 dengan perbelanjaan keseluruhan hampir RM1 bilion.

Presiden dan Ketua Pegawai Eksekutifnya, Amir Hamzah Azizan berkata, menerusi YTN, TNB berharap dapat membentuk dan melahirkan generasi berkualiti tinggi yang cemerlang dalam akademik selain mempunyai bakat kepimpinan yang tinggi.

Beliau malah memberitahu, pelajar cemerlang Sijil Pelajaran Malaysia (SPM) dan Sijil Tinggi Persekolahan Malaysia (STPM) 2018 yang dianugerahi biasiswa YTN kali ini juga dipilih daripada pelbagai latar belakang.

"Selain cemerlang pelajaran, penerima juga aktif dalam kegiatan kurikulum. Faktor



AMIR HAMZAH AZIZAN (lima dari kanan) bersama penerima biasiswa YTN dalam Majlis Penganugerahan Biasiswa YTN di Kuala Lumpur, semalam.

akademik dan kepimpinan penting dalam pemilihan para penerima biasiswa YTN. Pelajar terpilih ini mempunyai peluang untuk menjadi warga kerja TNB apabila tamat pengajian kelak dan diharapkan dapat menjadi pemimpin pelapis untuk menerajui TNB pada masa depan," katanya.

Beliau berkata demikian sewaktu berucap pada Majlis Penganugerahan Biasiswa YTN 2019, di sini hari ini.

Yang turut hadir ialah Ketua Pegawai Insan TNB, Datuk Muhammad Razif Abdul Rahman; Ketua Pegawai Korporat, Datuk Roslan Ab. Rahman dan Pengarah YTN, Datuk Dr. Shaari Md. Nor.

Amir Hamzah juga berkata, selain biasiswa, YTN turut menyediakan siri-siri program pembangunan melalui Scholar Development Journey bagi membantu pelajar tajaannya mencapai kecermerlangan akademik di samping mempunyai kompetensi serta nilai dan prinsip yang tinggi.